

## বন্ধুত্ব

শুকনো গালে অশ্রু গড়ালে  
কাঁধ ছুঁয়ে বলে – আছি, বন্ধুত্ব !  
থাকবো সাথে, তবু ছেড়ে গেলে  
পাশে আছে কেউ, বন্ধুত্ব !

অন্ধকারে আপনিই যখন বোধে অচেনা  
আমার আমি কে চেনায়, বন্ধুত্ব !  
সময়েই যখন বিষের শ্বাস, তবু  
আমার আছে বিশ্বাস, বন্ধুত্ব !

চাঁদ কে ছেড়ে জোছনার সাথে  
পাতাতে চায় সবে, বন্ধুত্ব!  
সুখের সময়ে সকলেই চায়  
দুখেও যে চায়, বন্ধুত্ব !

অসময় রাতে ডপ্পুর পথে  
পদতলে হাত পাতে, বন্ধুত্ব !  
ভুলের ঝড় থেমে গেলে শেষে  
হাত যে বাড়ায়, বন্ধুত্ব !

না কবিতায় নেই কোন কবি  
খুব ভেবে তুমি ছুঁয়ে মনের ছবি  
খেরালি বাতাসে কান পেতে দেখো, তুমিতো  
মনের অতলে এখনও কি আমি, সেই বন্ধুতো ???

#####

**উত্তরায়ণ দেব**  
ফেব্রুয়ারি, ২০০৮/শিলিগুড়ি